

Կայսրն յետ ողջունելոյ զինուորական աստիճանաւորս՝ եկն եհաս յիմ հանդէս, ուր նահանգապետն յառաջեալ ծանօթացոյց զիս Կայսերն. Կայսրն եհարց լինէն. « ուրեմն Բագու՞ք Արք - եպիսկոպոսն էք ». ես պատասխանեցի (Դրիգոր քահանայն յառաջացեալ թարգմանեաց՝ որ ընդ այլ եւս երից աւագ քահանայից կային ի թիկանց կուսէ իմմէ). — Այո՛, բայց Շամախի բնակելով՝ հրամանաւ Վեհափառ Կաթողիկոսի եկել եմ Շամախոյ թեմի Հայ ժողովրդեան կողմից շնորհաւորելու Ձեր Կայսերական Մեծութեան շնորհաբեր գալուստը: — Կայսրն ուրախ դիմօք շնորհակալութեան նշան ցուցանելով ասաց. « Այո, Կաթողիկոսին տեսի Թիֆլիզ », ասաց և ձեռքն տուեալ ինձ՝ էանց յառաջ, և այսպէս ողջունելով մի առ մի զամենայն պատգամաւորս, և զաշակերտս և զաշակերտուհիս՝ նստան ի կառս, նոյնպէս և Կայսրուհին և ժառանգն և մեծամեծքն և զնացիին օրհնել զհիմն նոր եկեղեցւոյ Ռուսաց յանուն սրբոյն Աղէքսանդրի Նեւացւոյ. իսկ ես և որք ցանկացան, վերադարձաք ի բնակութիւնս — վասն զի՝ անդ չէր նշանակեալ ինձ տեղի կալոյ:

Յերեկոյին նոյն առուր ընկալայ ի նահանգապետէն զվիճատիպ տոմսակ հրաւիրանաց, որով յայտնէ թէ Նոցին Կայսերական մեծութիւնքն հրաւիրեն ի ճաշ՝ յԳ ամսոյս յերեկոյեան 7րդ ժամունս:

Եւ այն ինչ եհաս նշանակեալ 7րդ ժամն՝ ի միասին ընդ այլ հրաւիրեալ Հայ իշխանաց զնացաք ի պալատն՝ ի ճաշ, ուր յետ ժողովելոյ բոլոր հրաւիրելոց, որք լիսնիւ չափ կային, և պատրաստ կալոյ՝ ապա Կայսրն հանդերձ իւրովքն եկն ի սեղանատունն, և ողջունեալ զբաղմականսն՝ եկաց առ աթոռովն՝ ուր նստելոց էր. Էքզարխն Վրաստանի ընդ արեւելս կանգնեալ՝ ասաց զ« Հայր մեր » աղօթս, և ապա նստան իւրաքանչիւրն յիւրում յատկացեալ աթոռի, որպէս և ես նստայ յաջմէ Էքզարխին և ուղղակի հանդէս Կայսերն և Կայսրուհւոյն և ժառանգին, և Կայսրն սկսաւ ուրախ ուրախ խօսել ընդ Կայսրուհւոյն, և ճաշել. երբեմն խօսակցէր ընդ ժառանգին, երբեմն ընդ մերձակայ մեծամեծսն և ընդ Էքզարխին: Ի ժամ ճաշուն Կայսրն յոտին կանգնեալ (և ամենեքեան ի հարկէ իսկոյն) առաջարկեաց և ըմբեաց զբաժակ